

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosnia and Hercegovina
Federation of Bosnia and Hercegovina
Sarajevo Canton
Municipality Ilijas
MUNICIPALITY MAJOR

Služba za prostorno uređenje i stambeno-komunalne poslove

OPĆINSKO VIJEĆE ILIJAŠ

ODGOVORI NA VIJEĆNIČKA PITANJA I INICIJATIVE SA DVADESETE SJEDNICE OPĆINSKOG VIJEĆA ILIJAŠ ODRŽANE DANA 26.6.2014.GODINE

Ilijaš: Juli 2014.godine

126.Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669,033-580-672



MARIONETA ILIĆ-JURETA – vijećnica SDP-a

Inicijativa 1:"Da Općinski Načelnik sa odgovornom osobom nadležnom za održavanje puteva izađe na teren i utvrdi koliko je toga i je li uopšte urađeno nakon pokretanja klizišta na putu prema Solakovićima i prema Koritima".

Odgovor:Urađeni su kanali za odvodnju, a sanacija oštećenja puta se radi prema projektnoj dokumentaciji i u saradnji sa Direkcijom za puteve Kantona Sarajevo.

Inicijativa 2:"Da se osposobi put prema Kopošićima i Starom Gradu Dubrovniku, te put prema Taračin Dolu radi vjerske proslave Ilin Dana i obilaska stećaka".

Odgovor:Predviđena je minimalna sanacija ovih puteva u narednom periodu.

Inicijativa 3:"Da se pokušaju naći sredstva ili materijal za popravku mosta kod Genjac Muhameda i Zora Emira, jer je kao što već znate isti im je odnesen u prošlomjesečnoj poplavi i nisu u situaciji sami da riješe problem".

Odgovor:Mostovi su obnovljeni i stavljeni u funkciju.

MUHAMED HANDŽIĆ- vijećnik BPS-Sefer Halilović

Pitanje 1:"Zašto se ne vrši ljetno održavanje puteva na našoj Općini"?

Obrazloženje:Većina puteva na općini Ilijaš je zarasla šibljem i travom čime se u velikoj mjeri ugrozila sigurnost u saobraćaju svih građana koji koriste ove puteve. Pored toga, na asfaltnim putevima je veliki broj udarnih rupa koje iz godine u godinu šire i nastaju krateri na putevima koji često dovode do saobraćajnih nezgoda. Takođe je bitno napomenuti i makadamske puteve koji su uništeni od posljedica proteklih padavina, a neki od njih su u potpunosti neprohodni.

Odgovor:Općinski Načelnik u svom obraćanju na sjednici dao je odgovor na ovo pitanje.

SELVER HERIĆ-vijećnik SDP-a

Pitanje:"Nisam zadovoljan odgovorom na moje pitanje vezano za korištenje javnih površina u glavnoj ulici. Dobio sam odgovor, a ne znam ko je odgovorio, da li pomoćnica načelnika ili inspektor. Ovakav odgovor ne zaslužuje nikakav komentar pohvale, ni odgovora traženog od mene. Nije mi cilj da se uskrati ljudima pravo na korištenje javne površine, treba da se koriste ali da se adekvatno plati. Nisam rekao da plaćaju oni koji su učestvovali u nadogradnji nadstrešnica. Komunalni inspektor bi trebao premjeriti koliko se prostora koristi i da nam dostavi tabelarni prikaz koliko ko koristi i koliko plaća za svaki mjesec. Stoga, za slijedeću sjednicu ponovo tražim da se dostavi tabelarni prikaz onako kako sam tražio već treću sjednicu, ne osam korisnika, nego osamnaest korisnika. Zamolio bih uvaženog inspektora ili da odradi posao ili da se načelnik i pomoćnica načelnika pozabave radom komunalnog inspektora".

Odgovor: U članu 119. Zakona o organizaciji organa uprave u Federaciji Bosne i Hercegovine ("Sl.novine Federacije Bosne i Hercegovine" br. 35/05). je definisano,

"Inspektor je samostalan u svom radu i poslove inspekcijskog nadzora vrši prema programu svog godišnjeg rada, a određene inspekcijske preglede može izvršiti i na zahtjev rukovoditelja organa uprave".

U skladu sa članom 121. Postupak inspekcijskog nadzora pokreće i vodi inspektor po službenoj dužnosti.

Svaka fizička i pravna osoba ima pravo podnijeti zahtjev ili inicijativu inspektorima da izvrše **određeni inspekcijski nadzor** i da poduzme upravne mjere za koje je ovlašten zakonom.

Po zahtjevu, odnosno inicijativi iz stava 2. ovog člana inspektor je obavezan izvršiti inspekcijski nadzor i preduzeti odgovarajuće mere i o tome pismeno obavijestiti podnosioca zahtjeva, odnosno inicijative u roku od 15 dana od dana prijema zahtjeva ili inicijative.

Na osnovu člana 119. stav (1). i članu 121. stav (1) i (2) Zakona o organizaciji organa uprave u Federaciji Bosne i Hercegovine ("Sl. novine Federacije Bosne i Hercegovine" br. 35/05), u skladu sa članom 121. stav (3) dostavljam Vam obavještenje.

Komunalni inspektor Općine Ilijaš je izvršio inspekcijski nadzor dana 01. i 02. 07. 2014. godine kod trinaest (13) subjekata nadzora u Ulici 126. Ilijaške brigade /Pješačka zona Centar Ilijaš". U momentu inspekcijskog nadzora utvrđeno je da devet subjekata nadzora ima rješenje o privremenom korišćenju javne površine. Rješenja su izdata od nadležne općinske službe Općine Ilijaš i ista su izdata u skladu sa Zakonom o privremenom korišćenju javnih površina na području Kantona Sarajevo ("Službene novine Kantona Sarajevo "broj: 20/04 i 26/12). Javna površina se koristi u skladu sa izdatim rješenjima.

Prilikom inspekcijskog nadzora četiri subjekta su zatečena da privremeno koriste javnu površinu suprotno odredbama člana 5. Zakonu o privremenom korišćenju javnih površina na području Kantona Sarajevo ("Službene novine Kantona Sarajevo "broj: 20/04 i 26/12). U skladu sa zakonom navedena lica su upozorena na obaveze poštivanja zakona te su ista podnijela zahtjev za dobivanje odobrenja za privremeno korišćenje javne površine.

Komunalni inspektor je pročitao i analizirao odgovor službe dat uvaženom vijećniku SDP Selveru Heriću i isti uporedio sa evidencijom koju vodi komunalni inspektor te utvrdio da su podaci koji su dati u odgovoru tačni.

Služba za prostorno uređenje
i stambeno komunalne poslove

126. Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669, 033-580-672

